


Poziv za učešće u dijaloškoj raspravi o reformi pravosuđa

Sarajevo, 25. 05. 2023.

Inicijativa Zajedničkog koordinacionog tijela udruženja sudija i tužilaca u Bosni i Hercegovini

Pozivamo Vas na četvrti i ujedno završni skup udruženja sudija i tužilaca iz Bosne i Hercegovine o zakonodavnoj reformi pravosuđa u BiH koji će se održati u srijedu, **7.6.2023. godine u Parlamentarnoj skupštini BIH** (sala 1). Skup je inspirisan činjenicom da reforma pravosuđa može biti uspješna samo ako se osigura kontinuirana programska saradnja sve tri grane javne vlasti i ostvari podrazumijevajući dijalog strukovnih udruženja u pravosuđu sa nosiocima zakonodavne i izvršne vlasti te sa VSTV-om.

Udruženja tužilaca i sudija okupljena pod Zajedničkim koordinacionim tijelom (ZKT BiH) će na ovom skupu prezentirati zaključke sa prethodna tri skupa (reforma krivično-pravnog zakonodavstva, izmjene i dopune Zakona o VSTV-u, Nacrtu Zakona o sudovima BiH, neizvršavanje odluka ustavnih sudova, reforme u oblastima parničnog, izvršnog, stečajnog, likvidacionog i upravnog prava), te razgovarati sa nosiocima zakonodavne i izvršne vlasti te drugim pozvanim akterima o planovima ministarstava pravde u kontekstu planiranih pravosudnih inicijativa i reformi u tekućem mandatu. Udruženja sudija i tužilaca okupljena oko ZKT-a BiH namjeravaju da putem provednih skupova, pa tako i sa ovim završnim skupom ukažu na deficitarnosti u postojećem zakonodavnom okviru, te ponude svoj doprinos i upute svoje inicijative kroz konstruktivni dijalog o potrebnim zakonodavnim reformama u oblasti pravosuđa prema predstavnicima zakonodavne i izvršne vlasti. Krajnji cilj iniciranog dijaloga je aktivnije uključivanje strukovnih udruženja u proces kreiranja zakonodavnih rješenja, te zajedničko iznalaženje najboljih rješenja koja bi omogućila bosansko-hercegovačkom pravosuđu da kvalitetnije, efikasnije i odgovornije obavlja povjerene im dužnosti te kvalitetnije odgovori na opravdane zahtjeve građana i privrednih subjekata u tom kontekstu. Ovo inicijativa je također pokrenuta i u kontekstu ispunjavanja 14 prioriteta koji su postavljeni u Mišljenju Europske



komisije a koje Bosna i Hercegovina mora ispuniti kako bi napredovala ka članstvu u EU.

Ovim Vas pozivamo na dijalog i molimo da učestvujete u njegovom radu.

Dnevni red i podaci o skupu su u prilogu ovog poziva. Molimo da potvrdite učešće na email zktbih@gmail.com **do srijede, 31. 05. 2023.** godine.

S poštovanjem,

Hakija Zajmović,
sudija Općinskog suda u Sarajevu i predsjedavajući Zajedničkog koordinacionog tijela udruženja sudija i tužilaca u BiH

Inicijativa Zajedničkog koordinacionog tijela udruženja sudija i tužilaca u Bosni i Hercegovini

„Dijalog strukovnih udruženja u pravosuđu sa nosiocima zakonodavne i izvršne vlasti u Bosni i Hercegovini: Evropske integracije i reforma pravosuđa u Bosni i Hercegovini – stanje i perspektive“

Četvrta/Završna Sesija

Zgrada Parlamentarne skupštine Bosne i Hercegovine - Sala 1

srijeda, 7. 6. 2023. godine, sa početkom u 13.00 sati

Dnevni red

- 13:00 - 14:15** **Uvodno obraćanje - Goran Nezirović, sudija Vrhovnog suda FBiH**
Prezentacija Zaključaka sa prethodne tri sesije
- 14:15 - 14:35** **Potrebne pravosudne reforme iz perspektive advokatske struke**
Govornik: Tatjana Savić, advokatica iz Bijeljine
- 14:35 - 15:00** **Diskusija i pitanja**
- 15:00 - 15:15** **Kafe pauza**
- 15:15 - 15:45** **Planirane aktivnosti Ministarstva pravde BiH glede zakonodavnih reformi u oblasti pravosuđa**
Govornik: Sanela Latić, Ministarstvo pravde BiH/šef Odsjeka za saradnju sa domaćim i međunarodnim pravosudnim organima i uporedno pravo
- 15:45 - 16:15** **Planirane aktivnosti Federalnog ministarstva pravde FBiH glede zakonodavnih reformi u oblasti pravosuđa**
Govornik: predstavnik Federalnog ministarstva pravde FBiH
- 16:15 - 16:45** **Diskusija i pitanja**
- 16:45 - 17:00** **Završne napomene - Goran Nezirović, sudija Vrhovnog suda FBiH**